

2. Մամուլային

Ն. Գ. ԶԵՐՆԻՇԵՎՍԿԻՆ ԵՎ ԱՆՑՅԱԼ ԴԱՐԻ 50—60-ԱԿԱՆ
ԹՎԱԿԱՆՆԵՐԻ ՀԱՅ ՌԵՎՈԼՅՈՒՑԻՈՆ ԴԵՄՈԿՐԱՏԻԱՆ*

Նախքան դյանադիտության մեջ այժմ վերջնականապես ապացուցված և հաստատված պետք է համարել այն փաստը, որ Մ. Նախքան դյանը եղել է ռուս մեծ ռևոլյուցիոն-դեմոկրատ Ն. Գ. Զերնիշևսկու մարտական զինակիցը և որ նա ռևոլյուցիոն-դեմոկրատական իդեոլոգիայի ինչպես նաև էսթետիկայի բոլոր արմատական հարցերի մշակման բնագավառում կանգնած է եղել իր մեծ ուսուցչի դիրքերում: Բայց մեզ մոտ վերջնականապես չի հերքվել լիբերալ բուրժուական պատմագրության հորինած այն առասպելը, որի համաձայն Նախքան դյանը իբր թե եղել է մի կղզիացած երևույթ հայ իրականության մեջ:

Փաստերը ցույց են տալիս, որ Նախքան դյանը մեծակ չի գործել, նա ունեցել է իր համախոհներն ու զինակիցները, որոնց կարելի է բաժանել երկու խմբի. զինակիցների մի խումբը խիստ զաղտնի ռևոլյուցիոն աշխատանք է կատարել, ձգտելով հայ երիտասարդությունից ստեղծել ընդհատակյա ռևոլյուցիոն կազմակերպություններ, որոնք պետք է լայն աշխատանք ծավալեին հայ ժողովրդին ռուսական դեմոկրատական ռևոլյուցիայի ակտիվ մասնակիցը դարձնելու ուղղությամբ: Վերջին շրջանում ռուս գիտնականների ջանքերով հայտնաբերված նոր նյութերը ցույց են տալիս, որ Նախքան դյանը այդ աշխատանքին ձեռնարկել է Զերնիշևսկու գիտությամբ ու հանձնարարությամբ: 1859 թվականի վերջերին վերադառնալով արտասահմանից, Նախքան դյանը հեռանում է «Հյուսիսսփայլ»-ի խմբագրությունից և մեկնում Պետերբուրգ: Այժմ ապացուցված է, որ Նախքան դյանը հենց այդ տարիներին, այսինքն մինչև 1862 թվականը (մինչև ձերբակալությունը) Պետերբուրգում եղած ժամանակ հաճախակի զաղտնի հանդիպումներ է ունեցել Ն. Գ. Զերնիշևսկու հետ, եղել է նրա ամենահավատարիմ մարտական զինակիցներից մեկը, նրա գլխավորած ընդհատակյա պետերբուրգյան ռևոլյուցիոն կենտրոնի գործիչներից մեկը:

Զերնիշևսկու նպատակն է եղել իր գլխավորած ընդհատակյա կազմակերպության կողմից նախապատրաստվող ռուսական գյուղացիական ռևոլյուցիային մասնակից դարձնել նաև ցարիզմի լծի տակ կեղեքվող մյուս ժողովուրդներին: Նախքան դյանը լիապես համաձայն լինելով այս ծրագրին և հայ ժողովրդի սոցիալական ու ազգային ազատագրության բանալին տեսնելով ռուսական դեմոկրատական ռևոլյուցիայի հաղթանակի մեջ, իր մարտական զինակիցներ Մ. Բուգաչևի, Անանիա Սուլթանշահի, Հարություն Սվաճյանի և ուրիշների օգնությամբ լայն աշխատանք է ծավալել զաղտնի, ընդհատակյա ռևոլյուցիոն կազմակերպություններ ստեղծելու ուղղությամբ:

* Զեկուցված է 1953 թ. հունիսի 23-ին, Հայկական ՍՍՌ ԳԱ-ի գիտական սեփական Վիճակագրական Ն. Գ. Զերնիշևսկու ծննդյան 125-ամյակին:

Պետք է նշել, որ շնայած ցարական օրգաններին անհայտ մնաց Նալբանդյանի և նրա զինակիցների ընդհատակյա ռևոլյուցիոն գործունեությունը և նրա կապերը Չերնիշևսկու ու նրա մարտական զինակիցներ Ն. Սերնո-Սոլովյովիչի, Ա. Սլեպցովի և այլոց հետ, այնուամենայնիվ նրանք որոշ բան գուշակել էին. սրանով պետք է բացատրել այն համառ ջանքերը, որ գործադրեց քննիչ հանձնաժողովը Նալբանդյանի գործունեության այդ կողմերը բացահայտելու ուղղությամբ. հանձնաժողովը մի քանի անգամ Նալբանդյանից պահանջեց, որ նա «ամենայն մանրամասնությամբ» բացատրի իր «բոլոր գործողությունները» և տա այն բոլոր անձանց անունները, որոնց հետ նա հակակառավարական նպատակներով հարաբերությունների մեջ է եղել Պետերբուրգում, Մոսկվայում, Ռիֆիխում, Լոնդոնում, Պոլսում և այլ վայրերում: Ծվ շնայած հարցաքննությունը ոչ մի արդյունք չտվեց, այնուամենայնիվ 1865 թ. ապրիլի 27-ին սենատի հանած դատավճռի մեջ Նալբանդյանը մեղադրվում էր ոչ միայն Լոնդոնի պրոպագանդիստների (Գերցենի և Օգարյովի) «հանցավոր մտադրություններին իրազեկ լինելու, Լոնդոնի արգելված հրատարակությունները Ռուսաստանում տարածելու գործին աջակցելու», այլև «Ռուսաստանի հարավում, հայերի մեջ, հակակառավարական շարժում ծավալելու ձգտման համար»:

Հայտնի է նաև, որ ցարական ոստիկանական օրգաններում Մ. Բուդաղյանը և Ա. Սոլովյանշևսկին գրանցված էին որպես քաղաքական «անբարեհույս» «տարրեր». հատկանշական է նաև այն, որ երբ Բուդաղյանը դիմեց ցարական կառավարությանը իր խմբագրությամբ թերթ հրատարակելու թույլտվություն ստանալու համար, նրա դիմումը միեմվեց հենց դիմողի՝ Բուդաղյանի «քաղաքական անբարեհույսության» պատճառով:

Հարց է ծագում, թե ինչ կապ կար հայ ռևոլյուցիոն-դեմոկրատիայի սոցիալական և ազգային-ազատագրական ծրագրի և Չերնիշևսկու գլխավորությամբ նախապատրաստվող ռուսական գյուղացիական ռևոլյուցիայի միջև:

Հաճախ ոմանք հարց են տալիս, թե վերջի վերջո ինչի՞ էր ձգտում Նալբանդյանը, ինչպիսի էր նա պատկերացնում հայ ժողովրդի սոցիալական և ազգային ազատագրությանը:

Այս հարցի պարզ ու հստակ պատասխանը անհրաժեշտ է ոչ միայն Նալբանդյանի բռնած դիրքը ճիշտ գնահատելու, այլև այն վրայարտությունները մերկացնելու համար, որոնց դիմում են վերջին շրջանում դաշնակցական թափթիվները:

Դաշնակցական թերթուկներից մեկը անցյալ տարի քափ ու քրտինքի մեջ մտած փորձում էր «ապացուցել», որ Նալբանդյանը իբր թե Հայաստանը Ռուսաստանից անջատելու կողմնակից է եղել և, որ նրա ամբողջ գործունեությունը ունեցել է հենց այդ նպատակը: Սա առաջին դեպքը չէ, երբ հայ նացիոնալիստներն ու հակառևոլյուցիոն պարտիաները աշխատում են աղավաղել Նալբանդյանի պայծառ դեմքը և նրան դարձնել իրենց հակաժողովրդական, ավանտյուրիստական քաղաքականության հոգեհայրը: Բայց փաստերը ավելի պերճախոս են, քան ամերիկյան իմպերիալիզմի կուռքին լծված դաշնակ գրչակների, որենց տերերի թելադրանքով կարած ու կարկատած այդ «տեսությունը»:

Ազգային ազատագրական հարցը Նալբանդյանը Չերնիշևսկու ու Գերցենի հետ միասին քննության է առել ռուսական դեմոկրատական ռևոլյուցիայի տեսանկյունից: Նրա կարծիքով Ռուսաստանի ներքին դրության ամբողջ առանձնահատկությունը անցյալ դարի 60-ական թվականներին այն էր, որ

ազատության ձգտող ուսուցիչները շահերը լիապես համընկնում էին ցարիզմի լծի տակ ճնշվող և ինքնուրույն ազատ կյանքի ձգտող մյուս ժողովուրդների շահերին: Ընդհանուր թշնամին նույնն էր՝ ցարիզմը և կալվածատերերի իշխանությունը, նպատակը նույնն էր՝ հող և ազատություն: Ռուսաստանում խմորվող ազատագրական շարժումը, — ասում էր Նալբանդյանը իր «Երկրագործության» մեջ «կարելի է մարդկային ազատություն համարել», որովհետև այդ ազատությունը հիմնվում է հողի վրա: Ուրեմն ամենից առաջ անհրաժեշտ էր լուծել հողի* հարցը, ագրարային հարցը, գյուղացիական հարցը, առանց որի Նալբանդյանը Չերնիշևսկու հետ միասին չէր պատկերացնում ազատության: Առանց ժողովրդի տնտեսական ազատագրության, առանց ագրարային ուսուցիչայի, որի անմիջական հետևանքը պետք է լիներ ֆեոդալական բռնակալության տապալումը, առանց դարաշրջանի այդ գլխավոր հարցի լուծման, Նալբանդյանը չէր ընդունում և մերժելով մերժում էր ամեն մի ագրարային ազատագրություն: «Եթե ազգության ներքին և օտար խորհուրդը չէ տնտեսական խնդիրը, — գրում էր նա, — անհիմն է այդ ազգությունը, սուտ է այդ ազգությունը»¹:

Ասածներից դժվար չի հասկանալ, թե ինչու հայ ուսուցիչները-դեմոկրատիայի ծրագրի մեջ կենտրոնական հարցը, Նալբանդյանի բառերով առաժկյանքի և մահու հարցը «տնտեսական խնդիրն» էր — ագրարային հարցը: Նալբանդյանը Չերնիշևսկու հետ միասին ապացուցում էր, որ ռեֆորմը չլուծեց և չէր կարող լուծել «տնտեսական հարցը», որ ռեֆորմից հետո էլ Ռուսաստանը կանգնած է նույն «սոսկավիթխար գորդիասի կապի» — ագրարային հարցի առաջ: Նա այդ ռեֆորմը համեմատում էր այն ցողի հետ, որ գիշերը նստում է ծառի վրա. «ցողը հազիվ հազ նստում է նորա տերեւների վերա, հազիվ հազ սկսանում է զովացնել նորա ծառավը, դալարեցնել նորա խորշակահար տեսիլը և ահա... արևը ծագեցավ: Յողի կաթիլները հետզհետե գոլորշիանալով ցնդեցան, գնացին, իսկ տերեւը մնացին այրող ճառագայթների ազդեցության հետևանքով: Մարդու համար վերևից եկած ազատությունը այն ցողից ավելին չէ»², — այսպես էր գնահատում Նալբանդյանը ռեֆորմը:

Նալբանդյանը միաժամանակ բացատրում էր, թե ինչու ցարից ու կալվածատերերից այլ բան չի կարելի սպասել: Ֆեոդալական բռնակալության դժոխային մեքենան, — ասում էր նա, — հանգում է ազնվականների ուսերի վրա և ինչպես ցարիզմի, այնպես էլ կալվածատերերի գոյության հիմքը՝ կալվածատիրական սեփականությունն է: Այս է պատճառը, որ ցարիզմը և կալվածատերերը չեն կարող գյուղացուն հողի հետ միասին ազատություն տալ. գյուղացու նման ազատությունը նշանակում է ցարիզմի և ճորտատերերի մահը. «Տեսավ կառավարությունը (ցարիզմը — Հ. Մ.), որ այս տեսակ ազատություն չի կարելի տալ, գուշակեց նա գալուց փոթորիկը: Տեսավ ազնվականը և համոզվեցավ, որ այս տեսակ ազատություն տալը ազնվականության մահու դատակնիք ստորագրելն է»³:

Նալբանդյանը նշում էր, որ ռեֆորմից հետո Ռուսաստանում ստեղծվել է մի այնպիսի ջերմախտական ու լարյալ վիճակ, որ գյուղացիությանը մղում է

¹ Մ. Նալբանդյան, Երկեր, հատ. III, էջ 91:

² Նույն տեղում, էջ 93:

³ Նույն տեղում, էջ 97:

դեպի կացինը և եթե ճորտ գյուղացին չստանա այն, ինչ որ ցանկանում է— հող և ազատություն — ապա նա «կացնով կվճռե գործը»: Եվ Նալբանդյանը իր կյանքի վերջին տարիները նվիրեց գյուղացիական հարցը «կացնով վճռելու» գործին:

Այսպիսով, Նալբանդյանը Չերնիշևսկու հետ միասին խորապես համոզված էր, որ անհնար է գյուղացիական հարցը լուծել առանց կալվածատերերի և ցարի իշխանությունը ռեոլյուցիոն ճանապարհով տապալելու, իսկ այդ հարցում շահագրգռված էր ոչ միայն ռուս ժողովուրդը, այլ ցարիզմից ու կալվածատերերից ճնշվող մյուս ժողովուրդները, որոնք ձգտում էին սոցիալական և ազգային ազատագրության:

Այլ խոսքով «Գորգիասի կապը» — տնտեսական խնդիրը որքան էլ «բազմակնճիտ» լիներ, այնուամենայնիվ Նալբանդյանի կարծիքով մի գրամ էր, որ ուներ երկու երես, տնտեսական հարցը և սրա հետ օրգանապես կապված հայրենի և օտար գավազանի հարցը: Նրա կարծիքով հայ ազատագրական շարժումը հավասարապես պետք է ուղղված լիներ միաժամանակ երկու գավազանի դեմ՝ «օտար» և «հայրենի», այլ խոսքով պետք է ունենար հակաֆեոդալական, հակաճորտատիրական, հակաբռնակալական բնույթ: Իսկ այս նշանակում է, որ Նալբանդյանի կարծիքով հայ ազգային ազատագրական շարժումը պետք է միաժամանակ լիներ ռեոլյուցիոն-դեմոկրատական շարժում: Այստեղից էլ այն օրգանական կապը, որ նա տեսնում էր հայ ազգային ազատագրական շարժման և ռուսական դեմոկրատական ռեոլյուցիայի միջև:

Ինչ վերաբերում է այն հարցին, թե ինչպես էր պատկերացնում Նալբանդյանը հայերի ազգային ինքնորոշման հարցը, ապա նրա ծրագրի այս բաժինը կարելի է ճիշտ հասկանալ միայն այն դեպքում, եթե մենք նկատի ունենանք Չերնիշևսկու և առհասարակ ռուսական ռեոլյուցիոն-դեմոկրատիայի բռնած գիրքը լեհական հարցի նկատմամբ:

Հայտնի է օրինակ, որ Չերնիշևսկին ու Դերցենը պաշտպանելով լեհական ազգային ազատագրական շարժումը և նրա բախտը կապելով Ռուսաստանում դեմոկրատական ռեոլյուցիայի հաղթանակի հետ, գտնում էին, որ լեհացիները իրավունք ունեն և պետք է ձևավորվեն որպես ինքնուրույն և անկախ պետություն: Հայտնի է նաև այն բարձր գնահատականը, որ տվել է Վ. Ի. Լենինը Դերցենի բռնած դիրքին՝ լեհական հարցի նկատմամբ. «Իրոք ռուսական լիբերալների ամբողջ բազմությունը ետ քաշվեց Դերցենից Լեհաստանին պաշտպանելու պատճառով, երբ ամբողջ «կրթված հասարակությունը» երես դարձրեց «Կոլոկոլ»-ից, Դերցենը չշփոթվեց: Նա շարունակեց պաշտպանել Լեհաստանի ազատությունը և խարազանել Ալեքսանդր 2-րդի ճնշողներին, դահիճներին, կախողներին: Դերցենը փրկեց ռուսական դեմոկրատիայի պատիվը»¹:

Պետք է նշել, որ Նալբանդյանն էլ իր հերթին փրկեց հայ դեմոկրատիայի պատիվը: Իր «Երկրագործության» մեջ նա Դերցենի և Չերնիշևսկու հետ միասին պաշտպանում էր լեհացիների ազատությունը և խարազանում Ալեքսանդր 2-րդին. — «Ռուսական բանտերը լցվեցան լեհացիներով, — գրում էր Նալբանդյանը, — կարծեմ շուտով Սիբիրի մեջ ավելի շատ պիտի լինի լեհացի, քան թե Լեհաստանում: Վարչավի հրապարակի վերա արյունը մինչև ծունկն է

հասնում... Ռուսիո կառավարությունը իբրև մի վամպիր ծծում է լեհաստանի արյունը, փակում է նորա եկեղեցիքը, դպրոցները...»¹։

Թե որ չափով ճիշտ դիրք էին բռնել ռուսական ուղղություն-դեմոկրատներն ու Նալբանդյանը լեհական հարցում, այդ երևում է Մարքսի և էնգելսի դիրքից՝ լեհական հարցում։ Մարքսը և էնգելսը գրել են «Կոմունիստական պարտիայի մանիֆեստ»-ում. «Լեհերի մեջ կոմունիստներն այն պարտիային են ռժանդակում, որը ագրարային ուղղության համարում է ազգային ազատադրման պայման, հենց այն պարտիային, որը առաջացրեց 1846 թ. Կրակովի ապստամբությունը»²։

Պաշտպանելով լեհացիների ազատությունն ու անկախությունը, Գերցենը միաժամանակ նշում էր, թե պետք է տարբերել լեհացիների ինքնորոշման իրավունքը նոր, ազատ, դեմոկրատական Ռուսաստանից անջատվելու նպատակահարմարությունից։

Ինչպես լեհացիները, այնպես էլ ցարիզմի լծի տակ ճնշվող մյուս ժողովուրդները, լիակատար իրավունք ունեն ձևավորվելու ինքնորոշված ազգային պետության մեջ և գոյություն ունենալու Ռուսաստանից անկախ, բայց նպատակահարմար է, որ ասենք ազատ և անկախ լեհաստանը անջատվեր ազատ և դեմոկրատական Ռուսաստանից։ Գերցենը գրում էր, որ այդ միանգամայն աննպատակահարմար է. «Լեհաստանը, ինչպես Իտալիան, ինչպես Հունգարիան, լիակատար, անկապտելի իրավունք ունի Ռուսաստանից անկախ պետական գոյություն։ Ցանկանում ենք մենք արդյոք, որ ազատ Լեհաստանը բաժանվի ազատ Ռուսաստանից—դա այլ հարց է։ Ոչ, այդ մենք չենք ցանկանում, և կարելի է արդյոք այդ բանը ցանկանալ այն ժամանակ, երբ բացառիկ ազգությունները, որպես միջազգային թշնամանք, հանդիսանում են գլխավոր ամբարտակներից մեկը, որ կասեցնում է համամարդկային ազատ զարգացումը»³։

Գերցենի համար միանգամայն պարզ էր, որ ինչպես նոր դեմոկրատական լեհաստանը, այնպես էլ այդ ճանապարհը բռնած մյուս ժողովուրդները չեն կարող իրենց անկախությունը և ազատությունը պահպանել առանց նոր, դեմոկրատական Ռուսաստանի աջակցության ու պաշտպանության։ Հետևաբար միացյալ ուժերով տապալելով ցարական — ճորտատիրական կարգերը, նրանք ռուս ժողովրդի հետ միասին միացյալ ուժերով էլ պետք է պաշտպանեին իրենց ազատությունն ու անկախությունը։

Առաջ քաշելով ռուս ժողովրդի և ցարիզմի լծից ազատագրված մյուս ժողովուրդների եղբայրական դաշինքի և համագործակցության անհրաժեշտությունը, Գերցենը գրում էր. «Ինքնըստիսբյան հասկանալի է, որ մենք խուսել ենք հավասարների ազատ դաշինքի մասին, մենք երբեք չենք խոսել ոչ նվաճումների, ոչ Ռուսաստանին բռնի կերպով միանալու մասին»⁴։

Զերնիշևսկու և Գերցենի հետ միասին ջերմորեն պաշտպանելով Ռուսաստանի բոլոր ժողովուրդների ուղղություն շարժումների միացումը ցարիզմի դեմ մղած ռուս ժողովրդի ուղղություն պայքարի հետ, Նալբանդյանը նույնպես ընդունում էր ամեն մի ազգության ինքնորոշման և ազատ ու անկախ գոյության իրավունքը։ Այդ պարզ ու որոշակի երևում է լեհական, իտալական ու

¹ Մ. Նալբանդյան, Երկեր, հատ. 3, էջ 89։

² Կ. Մարքս, Ֆ. էնգելս, Կոմունիստական պարտիայի մանիֆեստը, էջ 73։

³ А. И. Герцен, Полное собрание соч. и писем, под ред. Лемке, т. IX, стр. 463.

⁴ А. И. Герцен, т. X, стр. 242.

բալկանյան ժողովուրդների ազգային-ազատագրական շարժումների նկատմամբ բռնած նրա դիրքից: Բայց նրան միաժամանակ հայտնի էր, որ եվրոպական բուրժուական պետությունները ազգային հարցի լուծման միայն մի սկզբունք ունեն, որ նա դիպուկ կերպով բնութագրում է խորենացուց առնված խոսքերով. «սահմանք քաջաց, զենք իւրեանց»: Հենց այդ նկատի ունեն Գերցենը, երբ գտնում էր, որ ցարիզմի լծից ազատագրված ժողովուրդների անջատումը դեմոկրատական Ռուսաստանից, նպատակահարմար չէ, որովհետև ռուս ժողովրդի ու հենց այդ ժողովուրդների արյան գնով ձեռք բերած ազատությունն ու անկախությունը նրանք հեշտությամբ կարող են կորցնել: Նախնայանը չէր կարող չհասկանալ, որ ռուսական դեմոկրատական ռևոլյուցիայի հետևանքով սոցիալական և ազգային ազատագրություն ձեռք բերած հայերը սեփական ուժերով չեն կարող պաշտպանել իրենց անկախությունն ու ազատությունը: Նա լիապես համաձայն է եղել Գերցենի ծրագրին, այդ շատ որոշակիորեն երևում է նրանից, որ նա իր «Երկրագործության» մեջ Չերնիշևսկու ու Գերցենի հետ միասին ամենայն վճռականությամբ պաշտպանում է ժողովուրդների ազատ համագործակցության, փոխադարձ օգնության ու օժանդակության գաղափարը:

Կան նաև այլ փաստեր. այժմ ապացուցված է, որ «Զեմլյա ի վոլյա» կազմակերպության հիմնադիրը և ղեկավարը եղել է Ն. Գ. Չերնիշևսկին¹: Հսկայական նախապատրաստական աշխատանք տանելուց հետո պետերբուրգյան ռևոլյուցիոն կենտրոնը 1862 թվականի սկզբներին հասունացած է համարում ռուսական ընդհատակյա ռևոլյուցիոն կազմակերպություն ստեղծելու հարցը և նույն 1862 թվականի սկզբներին կազմակերպչորեն ձևավորվում է այդ կազմակերպությունը «Զեմլյա ի վոլյա» անունով: Հայտնի է, որ Չերնիշևսկու մարտական գինակիցներ Ն. Սերնո-Սոլովյովիչի, Ա. Սլեպցովի, Վ. Կուրոչկինի և մյուսների լոնդոնում վարած բանակցությունների հետևանքով Գերցենը և Օգարյովը մտան «Զեմլյա ի վոլյա» կազմակերպության կենտրոնական կոմիտեի կազմի մեջ: Հայտնի է նաև, որ Մ. Նախնայանը նույնպես մասնակցել է այդ բանակցություններին ամենայն հավանականությամբ որպես Չերնիշևսկու ներկայացուցիչ: Այս լույսի տակ հասկանալի է դառնում այն բնութագիրը, որ տվել են Նախնայանին Գերցենը և Օգարյովը: Նրանք Ն. Սերնո-Սոլովյովիչի գրած նամակում իրենց «արևելյան բարեկամին» անվանում էին ոչ միայն «գերազնվագույն» մարդ, «ոսկի հոգի» ունեցող մարդ, այլև հատկապես ընդգծում էին, որ Նախնայանը «նվիրված է անշահախնդիր, նվիրված է... սրբության հասնող շափով»: Խոսքը իհարկե ռուսական դեմոկրատական ռևոլյուցիայի մասին էր, որի հետ օրգանապես կապվում էր ցարիզմի լծի տակ ճնշվող մյուս ժողովուրդների ազատագրությունը այն ձևով, ինչպես գրում էր Գերցենը:

* *

Ի՞նչ Նախնայանը և նրա գինակիցների առաջին խումբը պայքարել են վերոհիշյալ ծրագիրը իրագործելու համար, ապա նրա գինակիցների երկրորդ խումբը ըստ երևույթին կոնկրետ ընդհատակյա աշխատանք չի տարել. այս

¹ Տես Վ. Գ. Բասկակովի հոդվածը «Великий деятель революционной России Н. Г. Чернышевский», («Вопросы философии», 1953 г., № 3).

խմբին պատկանող գործիչները մեծ մասամբ եղել են համախոհներ և նախ-բանդյանի ձերբակալության տարիներին ու մահից հետո շարունակել են պայ-րարել գլխավորապես այն սկզբունքների պաշտպանության համար, որ հռչակել էր նախաբանդյանի մասնավորապես էսթետիկայի բնագավառում:

Նախաբանդյանի այս կարգի համախոհների համար հատկանշականը ամենից առաջ այն է, որ նրանք չնայած բոլորն էլ բացի նախաբանդյանի գործերից քաջ ծանոթ են Բելինսկու և Չերնիշևսկու աշխատություններին, բայց իրենց ոչ մի հոգևածում չեն հիշատակում ոչ նախաբանդյանի և ոչ էլ Չերնիշևսկու անունը:

Եվ դա մեզ չպետք է զարմացնի. 60-ական թվականներին Չերնիշևսկու և նախաբանդյանի անվան հիշատակումը, մասնավորապես նրանց ձերբակալու-թյունից և աքսորից հետո, արգելված էր և կապված մեծ անախորժությունների հետ: Ինչպես հայտնի է ինքը՝ նախաբանդյանը իր ոչ մի աշխատության մեջ չի հիշատակել Չերնիշևսկու անունը, չնայած նույնիսկ բանտում գրած հոգևած-ներում ընդարձակ քաղվածքներ է բերում նրա աշխատություններից: Այս խիստ, պրոֆեսիոնալ ունույնցիտներին հատուկ գաղտնապահությունն էր պատճառը, որ ցարական ոստիկանական օրգանները նախաբանդյանից ոչինչ չկարողացան իմանալ նրա և Չերնիշևսկու կուպերի մասին:

Թե ինչպիսի ծանր քաղաքական մեղադրանքների հետ էր կապված նույնիսկ նախաբանդյանի անվան հիշատակումը հայ մամուլում, ցույց է տալիս հետևյալ փաստը. «Մեղու Հայաստանի»-ն (Պ. Սիմոնյանի) Ստեփանեի հետ 1867 թվականին բանավիճելիս տալիս է Կոմս էմմանուելի անունը, նրան հա-մարելով շնորհալի գրող: Այս բավական էր, որպեսզի Ստեփանեն եզրակաց-ներ, որ «Մեղու Հայաստանի»-ի խմբագրությունում գոյություն ունի ինչ որ գաղտնի ընկերություն, որի անդամները խմբագրի հետ միասին հափշտակվել են նախաբանդյանով: Մեղադրանքը այնքան ծանր էր, որ «Մեղու»-ի խմբագրությունը անմիջապես հանդես եկավ պատասխան հոգևածով և հայտարարեց, որ խմբ-ագրությունը ոչ մի տեղ նախաբանդյանի անունը չի տվել: «Մեղու»-ն նշում էր, որ Ստեփանեն փոխանակ ըստ էության պատասխանելու քննադատությանը «սորոս փոխարեն մեր նախաբանդյանով հափշտակվելն էք առաջ բերում. չգիտենք հանգուցյալ նախաբանդյանի անունը ինչու էք հանդես բերել, երբ մենք մեր հոգ-վածի մեջ նորա անունը հիշած չէինք»¹:

Այս պատճառաբանությունը այսօր կարող է տարօրինակ թվալ, որովհե-տև բոլորին հայտնի էր, որ Կոմս էմմանուելը նույն նախաբանդյանն էր: Բայց «Մեղու»-ն ձևականորեն իրավացի էր. ցարական գրաքննությանը արգելել էր նախաբանդյանի անունը հիշատակել մամուլում դրական իմաստով. հայհայել կարելի էր և Այվազովսկու «Մասյաց աղավնի»-ն, ինչպես նաև Ստեփանեի «Հայկական աշխարհ»-ը հայհոյում էին: Ըստ երևույթին ցարական գրաքննու-թյունը հաշվի չէր առել, որ նախաբանդյանը ուներ կեղծ անուններ և նրա մասին դրական խոսողները կարող էին նախաբանդյանի փոխարեն գրել Կոմս էմմանուել կամ մի այլ բան:

Համենայն դեպս «Մեղու»-ի խմբագիր Պետրոս Սիմոնյանը, որ նախաբա-նդյանի մահվան մասին հաղորդագրություն տպելու պատճառով առնված էր կասկածանքի տակ, շտապեց իր թերթում այսպիսի հայտարարություն անել. «Իսկ ինչ կվերաբերվի մեր հափշտակվելուն նախաբանդյանի նման մարդիկնե-

¹ «Մեղու Հայաստանի», 1867, № 40, էջ 347:

րով, կասենք, որ երբեք հափշտակված չենք: Ինչպես մեր անցյալ հողավածնե-
րում էլ հայտնել ենք չափազանց հափշտակվելը ինչի նման է»¹:

Այս պայմաններում միանգամայն հասկանալի է, թե ինչու անցյալ դարի
60-ական թվականներին հայ մամուլում Չերնիշևսկու անվանը գրեթե չենք
հանդիպում:

Իվ այնուամենայնիվ Չերնիշևսկին եղել է հայ առաջավոր դեմոկրատա-
կան ինտելիգենցիայի շրջանում ամենից սիրված ու հարգված գործիչներից
մեկը: Նրան կարդացել են, նրա այս կամ այն աշխատությունից քաղվածք են
բերել առանց հիշատակելու նրա անունը:

Թե ինչպիսի մեծ հեղինակություն է ունեցել Չերնիշևսկին, ցույց է տալիս
թեկուզ այն փաստը, որ նույնիսկ Բելինսկու մասին խոսելիս, որի անունը
ազատ հիշատակվում էր հայ մամուլում, ընթերցողների ուշադրությունը հրա-
վիրում էին «Սովրեմեննիկ»-ի այն համարների վրա, որտեղ հրապարակվել էր
Չերնիշևսկու «Գոգոլյան շրջանի ոռա գրականության ակնարկները» աշխա-
տությունը: Այսպես, հայ նոր ռեալիստական թատրոնի և քննադատական
ռեալիզմի առաջին ներկայացուցիչներից մեկը՝ Միքայել Պատկանյանը ռեա-
լիստական թատրոնի ու կոմեդիայի գոյության իրավունքը պաշտպանող իր
հողավածներից մեկում վկայակոչելով Բելինսկուն և նրանից մի ընդարձակ քաղ-
վածք բերելով, տողատակի ծանոթագրության մեջ գրում է. «էս երևելի հեղի-
նակի (Բելինսկու — Հ. Մ.) գերազանց գիտությունների և մանավանդ կրիտիկի
արժանավորության և աննման վսեմության համար տե՛ս «Современник»
օրագրի 1856 թ. № XII»²:

Խոսքը Չերնիշևսկու վերոհիշյալ աշխատության մասին էր, որը լույս էր
տեսել «Современник»-ի 1855 թ. № 12 և 1856 թ. № 1, 2, 4, 7, 9—12 հա-
մարներում և որտեղ Չերնիշևսկին հանգամանորեն կանգ առնելով Բելինսկու
վրա, առաջին անգամ տվել էր նրա թողած գրական ժառանգության փայլուն
քննությամբ ու գնահատականը:

Սակայն մեզ համար ներկա դեպքում էականը նման փաստերը չէին,
որոնց թիվը կարելի է բազմացնել, այլ այն հսկայական ազդեցությունը, որ
գործել է Չերնիշևսկին հայ դեմոկրատական կուլտուրայի ներկայացուցիչների
վրա:

Մենք մի այլ առիթով ցույց ենք տվել, թե ինչպես Միքայել Նալբանդյանը
հայ ռևոլյուցիոն-դեմոկրատական էսթետիկայի հիմքերը դնելով, յուր առաջ
դրված հարցերը չէր կարող հաջողությամբ լուծել, եթե չհենվեր Չերնիշևսկու
էսթետիկայի վրա և լայնորեն ու ստեղծագործորեն չօգտագործեր իր մեծ
ուսուցչի գլխավոր դրույթները: Այժմ պետք է նշենք, որ Նալբանդյանը հայ
ռևոլյուցիոն, դեմոկրատական էսթետիկա ստեղծելու համար մղած իր պայ-
քարում նույնպես մենտի չի եղել, այս քնազավառում նույնպես նա ունեցել է
իր համախոհներն ու դիմակիցները:

Հայտնի է, որ Չերնիշևսկին սոստեսագիտության, քաղաքականության, փի-
լիսոփայության, սոցիոլոգիայի, էթիկայի ու էսթետիկայի հարցերը քննու-
թյան էր առնում ամենից առաջ դեմոկրատական ռևոլյուցիայի տեսանկյունից
նրա ռևոլյուցիոն-դեմոկրատական էսթետիկայի անկյունաքարը, վերջիվերջո՝

¹ «Մեղու Հայտնասեր», 1890, № 43:

² Նույն տեղում:

այն էր, որ արվեստը և գրականությունը պետք է դառնան գոյություն ունեցող ցարական-ճորտատիրական կարգերը մերժելու հզոր միջոցներից մեկը, ժողովրդի ազատագրական պայքարի հզոր զենքերից մեկը:

Բայց այս խնդիրը հաջողությամբ իրագործելու համար նախ և առաջ անհրաժեշտ էր հաշիվը մաքրել իդեալիստական էսթետիկայի հետ, որը այն ժամանակ Արևմտյան Եվրոպայում դեռևս իշխող դիրքեր էր գրավում և որի կողմնակիցները Ռուսաստանում Բելինսկու մահից հետո բավականաչափ աշխուժացել էին:

Կատաղորեն պաշտպանելով այսպես կոչված «մաքուր արվեստի», «արվեստը արվեստի համար» ռեակցիոն տեսությունը, իդեալիստական էսթետիկայի ներկայացուցիչները Ռուսաստանում ձգտում էին ուշադրությունը շեղել դարաշրջանի կենտրոնական հարցի՝ գյուղացիական հարցի շուրջը ծավալված պայքարից, գրականությունից և արվեստից խլել այն հսկայական գերը, որ նրանք պետք է խաղային ռուս ժողովրդի ազատագրական պայքարի պատմության մեջ:

Բելինսկու և Զերնիշևսկու կատարած պատմական խոշոր դերը այն էր, որ նրանք մահացու հարված հասցնելով գերմանական իդեալիստական էսթետիկային, հենց դրանով ջախջախիչ հարված հասցրին նաև այդ էսթետիկայի ներկայացուցիչներին Ռուսաստանում և ստեղծեցին նոր էսթետիկա, ռևոլյուցիոն-դեմոկրատական էսթետիկա, որը նախամարքսյան էսթետիկայի պատմության մեջ ամենամեծ նվաճումն էր:

Պետք է նշել, որ գերմանական իդեալիստական էսթետիկան իր կողմնակիցներն ունեւր նաև հայ իրականության մեջ: Եվ այստեղ խոսքը չի վերաբերվում միայն Ստեփանոս Նազարյանին, որն այսպես կոչված «մաքուր արվեստի», «մաքուր», «անշահախնդիր գեղեցիկի» այլ խոսքով «արվեստը արվեստի համար» տեսության առաջին մոնետիկներինց մեկն էր: Կային նաև այդ տեսության այլ կողմնակիցներ: Այսպես, օրինակ, «Կռունկ»-ի 1861—62 թթ. համարներում լույս տեսավ մի հոդվածաշար «Բանաստեղծության վրա» խորագրով, որի հեղինակն է Բարսեղ Բաստամյանցը: Նա շնայած հավատացնում էր, որ իր հոդվածը, ինչպես ինքն էր զրոււմ «հնարել եմ ռուսաց «Պելինսքի» ասված առաջին քննիչին, որ եվրոպացուց մեջ ալ անուն ունի», բայց Բելինսկուն ընկալում էր որպես «մաքուր արվեստի» տեսության տիպիկ ու համոզված ներկայացուցիչ: Սահմանելով բանաստեղծության էությունը, Բաստամյանցը գրում էր, որ «բանաստեղծությունը ինքն իրեն համար նպատակ է», որ «գեղեցիկը և գեղեցկությունը... ինքն իրեն նպատակ է», որ «բանաստեղծը նկարիչ է և ոչ ուսուցիչ և խրատիչ», որ «բանաստեղծը քամիին պես ազատ է»: Ինչ վերաբերվում է այն դերին, որ պետք է կատարի գրականությունը հասարակական կյանքում, Բաստամյանցը գրում էր, որ գրողը «հասարակության շահին չծառայեր»: Եթե այդպես լինի, ապա այն ժամանակ գրականությունը «գեղարվեստական հոդվածներ (գործեր — Ն. Մ.) ունենալու տեղ» կունենա այնպիսի գործեր, որտեղ կերևան միայն կուսակցության շնչին կրքերու հոտեր, խեղությունները»:

Դժվար չի նկատել, որ այս դատողությունները մեր իմացած Բելինսկու հետ ոչ մի կապ չունեն, այլ սուղված են գերմանական իդեալիստական էսթետիկայի զինանոցից:

Կար նաև իդեալիստական էսթետիկայի մի այլ ներկայացուցիչ և դա 1865 Տեղեկագիր 7—9

թվականին Թիֆլիսում լույս տեսած «Պատմություն հայոց գրականության» աշխատության հեղինակ Ստեփան Պալասանյանն էր։

«Մեղու»-ի 1866 թվականի № 3-ում այդ գրքի մասին լույս տեսավ մի ունեցեցի, որի հեղինակն է Գևորգ Եվանգուլյանը։ Մինչ այդ Եվանգուլյանը «Մեղու»-ում հանդես էր եկել նաև մի քանի այլ հոդվածներով, որոնց մեջ առանձին հետաքրքրություն են ներկայացնում հատկապես երկուսը՝ «Պատմության դասավանդությունը ինչպես է և ինչպես պետք է լինի մեր դպրոցներում»¹ և քիչ առաջ հիշատակված ունեցեցիան։

Եվանգուլյանի մեզ հայտնի հոդվածներից երկուսն է, որ նրա աշխատհայացքի վրա բավականին ուժեղ է նախնադրյանի և Զերնիշկևսկու ազդեցությունը, չնայած նա նրանց անունը ոչ մի տեղ չի հիշատակում։

Պատմության դասավանդման մասին գրած հոդվածում, իբրև բնաբան բերելով Հերդերի այն խոսքերը, թե «մենք սովորում ենք ոչ թե դպրոցի այլ կյանքի համար», Եվանգուլյանը գրում էր. «Այս . միտքը մեր դարին է պատկանում, մեր դարն է, որ գիտության մշակած հետևանքները՝ դարձյալ կյանքին է դարձնում, մեր դարն է, որ ոչնչացնում է մի քանի գերմանական փիլիսոփաների միտքը, թե «գիտությունը գիտության համար է, իսկ կյանքը՝ կյանքի համար»։ Թեպետ և ասում եմ, որ մեր գարի մարդիկ են այդպես մտածում, բայց ոչ ամենքը, դարձյալ շատերն են գտնվում... որ չեն կարողացել թողնել իրենց պապերից ստացած ավանդությունները, չեն կարողացել թողնել սքոլաստիկությունը թե՛ կյանքի և թե՛ գիտության մեջ։ Բայց մեր պարտականությունն է աշխատել այդպիսիների թիվը պակասացնել, մեր իդեալական մտածողությունը ռեալական դարձնել...»։

Տողատակի ծանոթագրության մեջ Եվանգուլյանը բացատրում է, որ «իդեալական» և «ռեալական» տերմիններն ինքը գործ է ածում իդեալիզմի և մատերիալիզմի իմաստով, որոնք փիլիսոփայության մեջ երկու հակադիր ուղղություններ են։ Հետաքրքիր է նշել, որ Եվանգուլյանը բնութագրելով իդեալիզմը գրում էր, որ կան երկու կարգի իդեալիստներ. մի կարգին դասում էր նա Հեգելին, Կանտին, Շելլինգին, իսկ մյուս կարգին՝ Բերկլիին, Յումին և Ֆիխտեին։ Ծիշտ է իդեալիզմի տված նրա սահմանումը անկատար է, թերի, ոչ հստակ, բայց չժվար չի նկատել, որ նրա մոտ խոսքը վերաբերվում էր օբյեկտիվ և սուբյեկտիվ իդեալիզմին։

Վերոհիշյալ հոդվածներում հանդես գալով որպես իդեալիզմի հակառակորդ և մատերիալիզմի պաշտպան, Եվանգուլյանը Զերնիշկևսկու և Նախանդյանի դիրքերից քննադատում և մերժում էր «գիտությունը գիտության համար», «արվեստը արվեստի համար», «գեղեցիկը գեղեցիկի համար» ռեալցիոն տեսությունները և ապացուցում, որ դրանք բոլորն էլ կյանքի համար են, «ժողովրդի համար» և որ այժմ այս նոր հայացքն է, որ դառնում է իշխող։ «Այսպիսի հայացվածքը մարդոց խոր քնիցը վեր կացրեց, ստիպեց փոխանակ փիլիսոփայական քարը կամ կենսատու հեղանյութը որոնելու, աշխատել բարելավեցնելու իսկական կյանքը, փոխանակ առանձնասենյակներում նստած մարդկության բարելավեցնելու համար տրակտատներ գրելու, դուրս գալ, ժողովրդի մեջ մտնել, նրա ցավերը տեսնել և աշխատել այդ ցավերը ուղղելու»։

Եվանգուլյանը ծառանում էր պատմության դասավանդման այն պրակտի-

¹ «Մեղու Հայաստանի», 1865 թ., № 9, 10 և 11։

կայի դեմ, երբ ամեն ինչ վեր են ածում թագավորների ու զորավարների պատմության, իսկ ժողովրդի մասին ոչինչ չեն պատմում:

«Ուրեմն ինչպես պետք է լինի պատմության դասավանդությունը մեր դրություններում,— հարց էր տալիս նա և պատասխանում,— ահա թե ինչպես. թող փոխանակ հաստ գրքերի լինեին բարակ գրքեր, բայց փոխանակ պատերազմական գործողությունների, անհամար թվանշանների և հստակ անունների լինեին ժողովրդի ներքին կյանքի պատկերները, նրա ցանկությունները, ամենօրյա պարապմունքները...»:

Ինչպես հայտնի է իդեալիստական էսթետիկան արվեստի էությունը սահմանափակելով գեղեցիկով պնդում էր, որ արվեստը ծնվում է իրականության մեջ եղած գեղեցիկի պակասությունները լրացնելու պահանջից: Չերնիշևսկին իր «Արվեստի էսթետիկական հարաբերությունը իրականության նկատմամբ» աշխատության մեջ ջախջախիչ քննադատության ենթարկելով այդ տեսությունները՝ ապացուցեց, որ արվեստը չի սահմանափակվում գեղեցիկի բնագավառով, այլ վերարտադրում է այն ամենը, ինչ կյանքի մեջ հետաքրքիր է մարդուն և որ արվեստը բնավ էլ չի ծնվել կյանքի մեջ եղած գեղեցիկի պակասությունները լրացնելու ցանկությունից. կյանքի, օբյեկտիվ իրականության մեջ եղած գեղեցիկը լիապես թավարարում է մարդուն:

Հայտնի է, որ Նալբանդյանը լիապես պաշտպանում էր Չերնիշևսկու առաջադրած այդ սկզբունքները: Չերնիշևսկու և Նալբանդյանի դիրքերում էր կանգնած նաև Եվանգուլյանը:

Ուտ. Պալասանյանի հայ գրականության պատմության մասին գրած ունեցե՞ղիայում Եվանգուլյանը հնացած համարելով նրա հայացքները՝ նկարչության, քանդակագործության և արվեստի մյուս ճյուղերի մասին, Պալասանյանից բերում է մի այսպիսի վերին աստիճանի հետաքրքիր քաղվածք — «Գեղարվեստը... կազմում են իդեալական աշխարհը, որ իրական աշխարհը լրացնելու և զարգարելու է ծառայում»: Շարունակելով իր միտքը, Պալասանյանը հզորակացնում էր, որ արվեստը «մարդուս դեպի գեղեցիկն ունեցած ձգտման բավականություն տվող միջոցներից մինն է»:

Այս դատողությունների կապակցությամբ Եվանգուլյանը գրում է, որ իսկապես առաջ ասում էին, թե արվեստը լրացնում և գեղեցկացնում է իրական աշխարհը, բայց այժմ անթույլատրելի է «գեղարվեստին այդպիսի մեկնություն տալը»: «Մի՞թե գեղարվեստի և առհասարակ բանաստեղծության նշանակությունն է,— գրում էր Եվանգուլյանը,— պարապել միայն գեղեցիկով, իդեալներով, մի՞թե բանաստեղծության պտուղ չի ասվի այն գործը, որը ներկայացնում է անսահման աղքատությունը, վերին աստիճանի հարեցողությունը... կամ թե սոքա էլ լրացնում ու գեղեցկացնում են իրական պիտույքը»:

Ինքը հարցադրումը առդեն ցույց է տալիս, որ մենք գործ ունենք մի հեղինակի հետ, որ յուրացրել է Չերնիշևսկու էսթետիկայի հիմնական դրույթները. բայց Եվանգուլյանը այդ դրույթները կրկնում է ոչ թե մեխանիկորեն, այլ պաշտպանում իբրև համոզված մատերիալիստ:

Վերոհիշյալ քաղվածքից պարզ երևում է, որ Եվանգուլյանը Նալբանդյանի հետ միասին պաշտպանում է Չերնիշևսկու դիսերտացիայի այն գլխավոր դրույթներից մեկը, որ արվեստի ու գրականության բնագավառը չի սահմանափակվում գեղեցիկով, որ նրանց բնագավառը ավելի լայն է, քան գեղեցիկը, կյանքում կան օրինակ այնպիսի երևույթներ, ինչպես ժողովրդի անսահման

աղքատությունը և միթե այդ աղքատությունը պատկերացնող գործերը չպետք է համարվեն «բանաստեղծության» պտուղ և եթե պետք է համարվեն, ապա մի՞թե աղքատությունը լրացնում և գեղեցկացնում է կյանքը:

«Եվ ինչ է նշանակում այս բառը» լրացնել և զարդարել իրական աշխարհքը», — շարունակում է Եվանգուլյանը, — կարծես մի ուրիշ աշխարհք էլ կա, որ իրական չէ. գիտեմ՝ կասեն կա մտավոր աշխարհքը, կա բարոյական աշխարհքը, բայց սոքա մի՞թե իրական չեն, եթե իրական չլինեին, չեինք էլ ասի, թե դոքա կան կամ չկան: Բայց եթե կասեն, թե մենք իրական աշխարհքին հակառակ ենք գնում այն աշխարհքին, որտեղ ծնվում են... անձիքների գաղափարները... այն ժամանակ սորան պատասխանում ենք, թե արդյոք «որտեղից ենք վերցնում այդ գաղափարները, եթե ոչ իսկ իրական աշխարհքից»¹:

Նալբանդյանը Չերնիշևսկու հետ միասին ապացուցում էր, որ մարդը իր գաղափարները վերցնում է բնությունից, իրական աշխարհից, ինչպես տեսնում ենք նույն բանը գրեթե բառացիորեն ասում է Եվանգուլյանը:

Նա իր այդ միտքը ապացուցելու համար վերցնում է քաջության գաղափարը ժողովրդական երգերի մեջ: Որտեղից է ծագել այդ գաղափարը. սկզբում մարդու գլխում է եղել և անցել ժողովրդական երգերին, թե ընդհակառակը քաջությունը եղել է կյանքում, որպես ոեալ օբյեկտիվ իրողություն և հետո անցել ժողովրդական երգերին:

Այս հարցին պատասխանելու համար Եվանգուլյանը վերցնում է Վահագնի ծնունդը. «Հայերը երգեցին Վահագնին և զարմանալի շնորհքներ տվին նրան, որտեղից առան այդ բանը, եթե ոչ զանազան քաջ հերոսների գործքերը միմյանց սեպհականելով»²:

Այսպիսով ոչ թե քաջության իդեալից է ծնվել ինքը քաջությունը. մարդկանց քաջագործությունները գոյություն են ունեցել այդ գաղափարից առաջ և ինքը քաջության գաղափարը ոչ այլ ինչ է, այլ եթե ոեալ իրական քաջագործությունների արտացոլումը:

Իր այս թեզը տարածելով սկանդինավյան և հունական բանահյուսության վրա, Եվանգուլյանը ապացուցում էր, որ արվեստը և գրականությունը ոչ թե լրացնում և գեղեցկացնում են աշխարհը, այլ հանդիսանում են կյանքի վերարտադրությունը, արտացոլումը, իսկ սա այն գլխավոր միտքն է, որ կարմիր թևի նման անցնում է Չերնիշևսկու և Նալբանդյանի աշխատությունների մեջ:

Եվանգուլյանը Չերնիշևսկու և Նալբանդյանի փիլիսոփայական մատերիալիզմի դիրքերից քննության է առնում նաև դիցաբանության ծագման ու զարգացման հարցերը, քայլ առ քայլ հերքելով Պալասանյանի բոլոր իդեալիստական դատողությունները նաև այս բաժնում:

Եթե մենք համառոտակի կանգ առնենք միայն Գևորգ Եվանգուլյանի վրա, ապա այդ չի նշանակում, թե Նալբանդյանի երկրորդ խմբին պատկանող համախոհների թիվը նրանով սպառվում է: Կան նաև այլ գործիչներ, բայց դրանց մասին խոսելը դուրս է մեր ներկա ծրագրից:

Թվում է թե բերած փաստերն էլ բավականաչափ գաղափար են տալիս հայ դեմոկրատական մտքի վրա ունեցած այն հսկայական և բարեբար ազդեցության մասին, որ գործել է անցյալ դարի 50—60-ական թվականներին ուսումնական ժողովրդի մեծ զավակ Նիկոլայ Գավրիլովիչ Չերնիշևսկին:

¹ «Մեզու Հայաստանի», 1868, № 3:

² Նույն տեղում: